

վասն Ս․ Յարութեան եւ մին վասն պաշտպանութեան Հայոց։ Եւ գրեցին զայս ամենայն անցս զոր կրեցին՝ առ փոխանորդ Պօղոս վարդապետն 'ի Կոստանդինուպօլիս եւ յերուսաղէմ, եւ ինքեանք մնացին անդ իբրեւ 'ի պատանդ, եւ զգրեանս առաքեցին յերուսաղէմ ձեռամբ Սարկաւագին, զի չէր հնար մեկնիլ նոցա անտի․ ժանտախտն տարածեալ էր 'ի Պաղեստին եւ յԱտորիս եւ հասեալ մինչ 'ի Կոստանդինուպօլիս․ Ըայց բարձաւ յերուսաղէմէ ('ի 12 Օգոստոսի)։ Իսկ Թէոդորոս Պատրիարք ընթերցեալ ըզգրեանս, գրեաց առ գլխաւորս ազգին եւ առ Արքունի Ճարտարապետն 'ի Կոստանդինուպօլիս, եղեալ 'ի միջի եւ զգիրս վարդապետաց․ յայտ արար նաեւ զբառն տառապանս իւր զոր կրէր յերեսաց գանձապետի Կուսակալին, զի փոխան նորա եկեալ էր 'ի շրջիլ՝ եւ բնակեալ արտաքոյ քաղաքին, պահանջէր զտարեկան հարկս 450 քսակ, Թող զայլ ընծայս եւ զծախս բանակին՝ պահանջ Գատաւորին, այլազգեաց քաղաքին՝ եւ Բդեշխին Աքքէի՝ այլովքն հանդերձ, յորոց պաշարեալ կային 'ի մեծի տառապանս։ Գրեցին զպատասխանիս գրոց վարդապետաց, այլ Թղթատարն հասեալ 'ի Սամարիա մեռաւ 'ի ժանտախտէ։ Զհրամանագիրս Կուսակալին ոչ եղին 'ի գործ խորհրդով Մուվէլային։

Եւ 'ի սաստկացուցանել Գանձապետին զխտութիւն հարկապահանջութեան, անկան 'ի դրունս այլազգեաց եւ Հրէից խնդրէին դրամս, եւ կոչեալ Թէոդորոսի զՀրէայ Ռափայելն սեղանաւոր բանակին՝ պատուեաց զնա սիրով եւ ընծայիւք, եւ խնդրեաց 'ի նմանէ միջնորդ լինիլ առ Կուսակալն Թեթեւացուցանել զպարտսն Գամասկոսի եւ արձակել զվարդապետսն, եւ 'ի տեղի պարտուց ընդունիլ ձուլեալ ոսկի եւ արծաթ փոխանակ դրամոց, տալ ինքեան տոկոսիւք դրամ եւ գտանել փոխանակագիր 'ի Կոստանդինուպօլիս։

Եւ եզեւ 'ի դառնալ բանակին 'ի Գամասկոս, զիջեալ Կուսակալն յաղաչանս Հրէին շնորհեաց զ50 քսակն, եւ յանձն առ ընդունիլ արծաթ եւ ոսկի ըստ արժողութեան, եւ յանձն արար զայն գործ Պաղատացի վաճառականաց տնօրինել, զի ինքն հանդերձեալ էր մեկնիլ յուխտագնացութիւն Մէք-